

The New Nereus Commentary Series (iota)



Student White Pages

Rev. B.A. Gregg, MA

24	I Saw You Standing There	2	25	Help! I Need Somebody!	2
26	If You're Gonna Go, Go Now!	3	27	We Can Work It Out	4
28	It's Been a Hard Day's Night	5	29	Hello, Goodbye!	5
30	Every Breath You Take	6	31	Something I should know?	7
32	Up All Night	7	33	Cars	8
34	Who Can It Be Now?	9	35	Rock Me Amadeus	10

DBG IV.24 (C) 24.1 At barbari, consilio Romanorum cognito, praemisso equitatu et essedariis, quo plerumque genere in proeliis uti consuerunt, reliquis copiis subsecuti nostros navibus egredi prohibebant. **(D) 2.** Erat ob has causas summa difficultas, quod naves propter magnitudinem nisi in ⁽⁵⁾ alto constitui non poterant, militibus autem, ignotis locis, impeditis manibus, magno et gravi onere armorum oppressis simul et de navibus desiliendum et in fluctibus consistendum et cum hostibus erat pugnandum. **(E) 3.** cum illi aut ex arido aut paulum in aquam progressi omnibus membris expeditis, notissimis locis, audacter ⁽¹⁰⁾ tela coicerent et equos insuefactos incitarent. **(F) 4.** Quibus rebus nostri perterriti atque huius omnino generis pugnae imperiti, non eadem alacritate ac studio quo in pedestribus uti proeliis consuerant utebantur. **(A) 25.1** quod ubi Caesar animadvertit, naves longas, **DBG IV.25** quarum et species erat barbaris inusitator et motus ad usum

⁽¹⁵⁾ expeditior, paulum removeri ab onerariis navibus et remis
incitari et ad latus apertum hostium constitui atque inde fundis,
sagittis, tormentis hostes propelli ac submoveri iussit; quae res
magno usui nostris fuit. **(B) 2.** nam et navium figura et remorum motu
et inusitato genere tormentorum permoti barbari constiterunt ac
⁽²⁰⁾ paulum modo pedem rettulerunt. **(C) 3.** atque nostris militibus
cunctantibus, maxime propter altitudinem maris, qui X legionis
aquilam ferebat, contestatus deos ut ea res legioni feliciter eveniret,
(D) 4. ‘desilite,’ inquit, ‘milites, nisi vultis aquilam hostibus prodere;
ego certe meum rei publicae atque imperatori officium praestitero.’
⁽²⁵⁾ **(E) 5.** hoc cum voce magna dixisset, se ex navi proiecit atque in hostes
aquilam ferre coepit. **(F) 6.** tum nostri cohortati inter se, ne tantum
dedecus admitteretur, universi ex navi desiluerunt. **(A) 7.** hos item ex
proximis primi navibus cum conspexissent, subsecuti hostibus
appropinquaverunt.

DBG IV.26 **(B) 26.1** pugnatum est ab utrisque acriter. **(C) 2.** nostri tamen, quod
neque ordines servare neque firmiter insistere neque signa subsequi
poterant atque alius alia ex navi quibuscumque signis occurrerat se
aggregabat, magnopere perturbabantur; **(D) 3.** hostes vero, notis

⁽⁵⁾ omnibus vadis, ubi ex litore aliquos singulares ex navi egredientes conspexerant, incitatis equis impeditos adoriebantur. **(E) 4.** plures paucos circumsistebant, alii ab latere aperto in universos tela coniciebant. **(F) 5.** quod cum animadvertisset Caesar, scaphas longarum navium, item speculatoria navigia militibus compleri iussit et, quos ⁽¹⁰⁾ laborantes conspexerat, his subsidia submittebat. **(A) 6.** nostri, simul in arido constiterunt, suis omnibus consecutis, in hostes impetum fecerunt atque eos in fugam dederunt; **(B) 7.** neque longius prosequi potuerunt, quod equites cursum tenere atque insulam capere non potuerant. 8. hoc unum ad pristinam fortunam Caesari defuit.

DBG IV.27 ⁽¹⁵⁾ **(C) 27.1** hostes proelio superati, simul atque se ex fuga receperunt, statim ad Caesarem legatos de pace miserunt; obsides daturos quaeque imperasset sese facturos polliciti sunt. **(D) 2.** una cum his legatis Commius Atrebas venit, quem supra demonstraveram a Caesare in Britanniam praemisum. **(E) 3.** hunc illi e navi egressum, cum ad eos ⁽²⁰⁾ oratoris modo Caesaris mandata deferret, comprehenderant atque in vincula coiecerant; **(F) 4.** tum proelio facto remiserunt. **(A) 5.** in petenda pace eius rei culpam in multitudinem coiecerunt et propter imprudentiam ut ignosceretur petiverunt. **(B) 6.** Caesar questus quod, cum ultro in continentem legatis missis pacem ab se petissent, bellum ⁽²⁵⁾ sine causa intulissent, ignoscere imprudentiae dixit obsidesque imperavit; **(C) 7.** quorum illi partem statim dederunt, partem ex

longinquioribus locis arcessitam paucis diebus sese daturos
dixerunt. **(D) 8.** interea suos remigrare in agros iusserunt, principesque
undique convenire et se civitatesque suas Caesari commendare
⁽³⁰⁾ coeperunt.

DBG IV.28

(E) 28.1. his rebus pace confirmata, post diem quartum quam est in
Britanniam ventum naves XVIII, de quibus supra demonstratum est,
quae equites sustulerant, ex superiore portu leni vento solverunt. **(F) 2.**
quae cum appropinquarent Britanniae et ex castris viderentur, tanta
⁽⁵⁾ tempestas subito coorta est ut nulla earum cursum tenere posset,

DBG IV.29

(A) 3. sed aliae eodem unde erant profectae referrentur, **(B) 4.** aliae ad
inferiorem partem insulae, quae est propius solis occasum, magno
sui cum periculo deicerentur; quae tamen, ancoris iactis, cum
fluctibus complerentur, necessario adversa nocte in altum
⁽¹⁰⁾ provectae continentem petierunt. **(C) 29.1** eadem nocte accidit ut
esset luna plena, qui dies maritimos aestus maximos in Oceano
efficere consuevit, nostrisque id erat incognitum. **(D) 2.** ita uno tempore
et longas naves, quibus Caesar exercitum transportandum
curaverat, quasque in aridum subduxerat, aestus compleverat, et

⁽¹⁵⁾ onerarias, quae ad ancoras erant deligatae, tempestas
afflictabat, neque ulla nostris facultas aut administrandi aut
auxiliandi dabatur. **(E) 3.** compluribus navibus fractis, reliquae cum
essent funibus, ancoris reliquisque armamentis amissis ad
navigandum inutiles, magna, id quod necesse erat accidere, totius
⁽²⁰⁾ exercitus perturbatio facta est. **(F) 4.** neque enim naves erant aliae
quibus reportari possent, et omnia deerant quae ad reficiendas
naves erant usui, et, quod omnibus constabat hiemari in Gallia
oportere, frumentum in his locis in hiemem provisum non erat.

DBG IV.30

(A) 30.1. quibus rebus cognitis, principes Britanniae, qui post
⁽²⁵⁾ proelium ad Caesarem convenerant, inter se collocuti, cum
equites et naves et frumentum Romanis deesse intellegerent et
paucitatem militum ex castrorum exiguitate cognoscerent, quae hoc
erant etiam angustiora quod sine impedimentis Caesar legiones
transportaverat. **(B) 2.** optimum factu esse duxerunt rebellione facta
⁽³⁰⁾ frumento commeatuque nostros prohibere et rem in hiemem
producere, quod eis superatis aut reditu interclusis neminem

postea belli inferendi causa in Britanniam transiturum confidebant.

(C) 3. itaque rursus coniuratione facta paulatim ex castris discedere et suos clam ex agris deducere coeperunt.

DBG IV.31

(D) 31.1. at Caesar, etsi nondum eorum consilia cognoverat, tamen et ex eventu navium suarum et ex eo quod obsides dare intermiserant fore id quod accidit suspicabatur. **(E) 2.** itaque ad omnes casus subsidia comparabat. **(F) 3.** nam et frumentum ex agris cotidie in castra ⁽⁵⁾ conferebat et, quae gravissime afflictæ erant naves, earum

DBG IV.32

materia atque aere ad reliquas reficiendas utebatur et quae ad eas res erant usui ex continenti comportari iubebat. **(A) 4.** itaque, cum summo studio a militibus administraretur, XII navibus amissis, reliquis ut navigari satis commode posset effecit. **(B) 32.1.** dum ea ⁽¹⁰⁾ geruntur, legione ex consuetudine una frumentatum missa, quae appellabatur VII., neque ulla ad id tempus belli suspicione interposita, cum pars hominum in agris remaneret, pars etiam in castra ventitaret, **(C) 2.** ei qui pro portis castrorum in statione erant Caesari nuntiaverunt pulverem maiorem quam consuetudo ferret in

⁽¹⁵⁾ ea parte videri quam in partem legio iter fecisset. **(D) 3.** Caesar id, quod erat, suspicatus, aliquid novi a barbaris initum consilii, cohortes quae in statione erant secum in eam partem proficisci, ex reliquis duas in stationem succedere, reliquas armari et confestim sese subsequi iussit.

(E) 4. cum paulo longius a castris processisset, suos ab hostibus premi

⁽²⁰⁾ atque aegre sustinere et, conferta legione, ex omnibus partibus tela

coici animadvertit. **(F) 5.** nam quod omni ex reliquis partibus demesso

frumento pars una erat reliqua, suspicati hostes huc nostros esse

venturos noctu in silvis delituerant; **(A) 6.** tum dispersos depositis

armis in metendo occupatos subito adorti paucis interfectis

⁽²⁵⁾ reliquos incertis ordinibus perturbaverant, simul equitatu atque

DBG IV.33 essedis circumdederant. **(B) 33.1.** genus hoc est ex essedis pugnae. **(C) 2.**

primo per omnes partes perequitant et tela coiciunt atque ipso terrore

equorum et strepitu rotarum ordines plerumque perturbant et, cum

se inter equitum turmas insinuaverunt, ex essedis desiliunt et

⁽³⁰⁾ pedibus proeliantur. **(D) 3.** aurigae interim paulatim ex proelio

excedunt atque ita currus conlocant ut, si illi a multitudine hostium

premuntur, expeditum ad suos receptum habeant. **(E) 4.** ita mobilitatem equitum, stabilitatem peditum in proeliis praestant, ac tantum usu cotidiano et exercitatione efficiunt uti in declivi ac praecipiti loco ⁽³⁵⁾ incitatos equos sustinere et brevi moderari ac flectere et per temonem percurrere et in iugo insistere et se inde in currus citissime recipere consuerint.

DBG IV.34 **(F) 34.1.** quibus rebus perturbatis nostris novitate pugnae tempore opportunissimo Caesar auxilium tulit: **(A) 2.** namque eius adventu hostes constiterunt, nostri se ex timore receperunt. **(B) 3.** quo facto, ad lacesendum hostem et committendum proelium alienum esse ⁽⁵⁾ tempus arbitratus suo se loco continuit et brevi tempore intermisso in castra legiones reduxit. **(C) 4.** dum haec geruntur, nostris omnibus occupatis qui erant in agris reliqui discesserunt. **(D) 5.** secutae sunt continuos complures dies tempestates, quae et nostros in castris continerent et hostem a pugna prohiberent. **(E) 6.** interim barbari ⁽¹⁰⁾ nuntios in omnes partes dimiserunt paucitatemque nostrorum militum suis praedicaverunt et quanta praedae faciendae atque in

perpetuum sui liberandi facultas daretur, si Romanos castris
expulissent, demonstraverunt. **(F) 7.** his rebus celeriter magna
multitudine peditatus equitatusque coacta ad castra venerunt.

DBG
IV.35/6

⁽¹⁵⁾ **(A) 35.1.** Caesar, etsi idem quod superioribus diebus acciderat fore
videbat, ut, si essent hostes pulsi, celeritate periculum effugerent,
tamen nactus equites circiter XXX, quos Commius Atrebas, de quo
ante dictum est, secum transportaverat, legiones in acie pro castris
constituit. **(B) 2.** commisso proelio diutius nostrorum militum impetum
⁽²⁰⁾ hostes ferre non potuerunt ac terga verterunt. **(C) 3.** quos tanto spatio
secuti quantum cursu et viribus efficere potuerunt, complures ex eis
occiderunt, deinde omnibus longe lateque aedificiis incensis se in
castra receperunt. **(D) 36.1.** eodem die legati ab hostibus missi ad
Caesarem de pace venerunt.